

आकाशवाणी

खबरां ----

1 प्रधानमंत्री नरेंद्र मोदी होरें संविधान गी लागू करने दे 75 बरें पूरे होने कोला पैहले संविधान गी मार्गदर्शन आहली लोऽ करार दित्ता ऐ।

2 अपने “मन की बात” कार्यक्रम च प्रधानमंत्री नरेंद्र मोदी होरें लोकें गी एकता दी भावना गी मनाने, बंड ते नफरत गी महाकुम्भ च शामिल होइयै खत्म दा आह्वान कीता।

3 दक्खन कोरिया च मुअन अंतरराष्ट्रीय हवाई अड्डे पर हवाई जहाज हादसे दा शकार होई गेआ जिस च घट्टोघट्ट 124 लोकें दे मरोने दी खबर ऐ।

4 शतरंज च भारतीय खडारन Koneru Humpy होर न्यूयार्क च खेड्डी गेदी रैपिड वर्ल्ड चेस चैंपियनशिप च दुई बारी खताब अपने नां करने च कामयाब।

5 भारतीय मौसम विभाग नै समूलचे उत्तर भारत च घने कोहरे, सीत लैहर ते बरखें दी पेशगोई कीती ऐ।

<><><><><><>

PM-Mann Ki Baat(Constitution)

प्रधानमंत्री नरेन्द्र मोदी होरें अज्ज आखेआ ऐ जे संविधान, स्थाड़े देसै गी बत्त दस्सने आहली लोऽ ऐ ते एहू स्थाड़े सब्बनें आस्तै बड़े मानै आहली गल्ल ऐ जे अगले ब'रे 26 जनवरी गी स्थाड़ा संविधान अपने 75 ब'रे पूरे करै करदा ऐ। आकाशवाणी पर अज्ज अपने मन की बात कार्यक्रम दे राहें देश-विदेश दे लोकें कन्नै विचार सांझे करदे होई श्री मोदी होरें आखेआ जे भारत दे संविधान नै समें दी हर कसौटी गी खरी चाल्ली पार कीता ऐ। उनें गलाया जे देसै दे बसनीकें गी संविधान दी विरासत कन्नै जोड़ने आस्तै कॉन्स्टीट्यूशन 75 डॉट कॉम नांऽ दी इक विशेष वैबसाईट बनाई गई ऐ। प्रधानमंत्री होरें अपने “मन की बात” कार्यक्रमै च औंदी 13 जनवरी थमां प्रयागराज च शुरु होआ करदे महाकुंभ दा बी जिक्र कीता। उनें गलाया जे प्रयागराज च संगम दे कंडूँ पर एहदी तैयारिएं गी जोरें-शोरें मुक्कदा रूप दित्ता जा करदा ऐ। प्रधानमंत्री होरें लोकें गी अपील कीती जे ओहू बंडु ते नफरत दी भावना गी तज्जने दा धेइया करन। ‘महाकुंभ का संदेश, एक हो पूरा देश’ दा नारा दिंदे होई श्री मोदी होरें मेद जाह्न कीती जे गंगा दी धारा आहला लेखा स्थाड़ा समाज बी संगठित बनोग।

एनीमेशन दी दुनिया दा जिक्र करदे होई श्री मोदी होरें गलाया जे कृष, तृष ते बाल्टीबाँय यानि केटीबी आहली सुपरहिट एनीमेशन सीरीज़ बच्चें च बड़ी मती लोकप्रिय ऐ। उनें दस्सेआ जे एहू त्रौनें एनीमेशन करैक्टर लोकें गी भारत दे स्वतंत्रता संग्राम कन्नै जुड़े दे ओकड़े नायकें बारै जानकारी दिंदे न जिंदे बारै च आमतौर पर मती चर्चा नेई हुंदी। हाल च गै एहदा दुआ सीज़न भारत दे

अंतर्राष्ट्रीय फिल्म उत्सव दौरान गोआ च लांच होआ हा। श्री मोदी होरें दस्सेआ जे इस सीरीज़ दा प्रसारण नां छड़ा भारती भाशाएं च सगुआं विदेशी भाषाएं च बी कीता गेआ। इसी दूरदर्शन ते होरनें ओटीटी प्लेटफार्मे पर बी दिक्खेआ जाई सकदा ऐ। प्रधानमंत्री मोदी होरें आखेआ जे भारत दी एनीमेशन फिल्में, नियमित फिल्में ते टीवी धारावाहिकें दी लोकप्रियता एहू दस्सदी ऐ जे भारत दे रचनात्मक उद्योग च किन्नी बड़ी समर्थ मजूद ऐ। उनें “एक भारत –श्रेष्ठ भारत” दे जब्बे गी मता मजबूत बनाने लेई भारत दे फिल्म ते मनोरंजन उद्योग गी मुबारकबाद दिती।

अपने अज्जै दे मन की बात कार्यक्रमै च श्री मोदी होरें सेहत खेत्तर च भारत दिएं द’ऊं बड़ी उपलब्धिएं दा बी जिक्र कीता। उनें इस गल्लै पर संदोख जाह्न कीता जे विश्व सेहत संगठन दी रिपोर्ट मूजब, भारत च मलेरिया दे मामलें ते 2015 थमां 2023 बश्कार एह्दे करी होने आहली मौतें च 80 फीसद दी कमी आई ऐ।

<><><><><><>

Navi Mumbai Airport

नवी मुम्बई अंतरराष्ट्रीय हवाई अ अड्डे दे रनवे पर अज्ज पैहलका कमर्शियल विमान सफलता नै उतरी गेआ। मुम्बई हवाई अड्डे थमां डुआरी भरने आहले इंडीगो ए-320 नै नवी मुम्बई अंतरराष्ट्रीय हवाई अड्डे पर सिद्दे लैंडिंग कीती। सफल लैंडिंग दे बाद ज्हाज गी हवाई सलामी दिती गई। प्रमाण परीक्षण च लैंडिंग ते टेक ऑफ युद्धाभ्यास दा तकनीकी मूल्यांकन बी शामिल हा। अक्तूबर च

फौज दा इक जहाज रनवे पर सफलता नै उतरेआ हा जदकि वायुसेना दा सुखोई
30 विमान रनवे शां थोड़ी दूरी पर उतरी गेआ हा।

<><><><><><>

South-Korea

दक्खन कोरिया च इक जहाज हादसे च जेजू एयर फ्लाइट च सोआर 181 यात्रुएं
चा 2 गी छोड़िये सब्बै लोकें दे मारे जाने दी शेंका ऐ। एहू विमान बैंकाक थमां
सिओल सियोल थमां कोई 290 किलोमीटर दूर मुआन अंतरराष्ट्रीय हवाई अड्डे
जा'रदा हा। एहू हादसा जेजू एयरलाइन्स दे विमान दे अज्ज बडुलै मुआन
अंतरराष्ट्रीय हवाई अड्डे पवर उतरदे बेल्लै होआ। सरकारी सूत्रें मताबक इस
हादसे च हुनै तोड़ी 179 लोकें दे मारे जाने दी पुष्टि होई ऐ। चालक दल दे 6 जनें
चा 2 गी जींदा कडुआ गेआ ऐ।

<><><><><><>

Chess-Humpy

शतरंज च, न्यूयार्क च खेड्डी गेदी वर्ल्ड रेपिड एंड ब्लिट्ज़ प्रतियोगिता च भारत
दी कोनेरू हम्पी नै इंडोनेशिया दी आईरीन सुकान्देर गी हराइयै महिलाएं दी
श्रेणी च अपना दुआ खिताब जित्ती लैता ऐ। हम्पी नै इस प्रतियोगिता दे 11
राउंड च 8 इशारिया 5 अंक हासल कीते। 37एं बरें दी एहू भारती खड्डारन,
चीन दी जू वेनजून दे बाद इक्कली ऐसी खड्डारन बनी गई ऐ जिनै इक्क कोला मती
बारी खिताब अपने नांऽ कीता ऐ। भारती शतरंज ग्रैंड-मास्टर हम्पी होरें एह्दे

शा पैहले 2019 च जार्जिया च खिताब जित्तेआ हा। तोआई मर्दे दी श्रेणी च रूस दे 18एं बरें दे खड्गारी वोलोदार मुरज़िन नै एहू प्रतियोगिता जित्ती लैती ऐ। इस जित्त कन्नै ओहू दुए सब्बनें शा युवा फिडे विश्व रैपिड चैंपियन बनी गे न। तोआई प्रधानमंत्री नरेन्द्र मोदी होरें 2024 फिडे महिला वर्ल्ड रैपिड चैंपियन जित्तने पर कोरेरू हम्पी गी मुबारकबाद दित्ती ऐ। सोशल मीडिया पर इक पोस्ट राहें श्री मोदी होरें दुआ विश्व रेपिड प्रतियोगिता दा खिताब जित्तने पर शतरंज ग्रैंड मास्टर हुंदी सराहना कीती ते आखेआ जे हम्पी हुंदा जज्बा ते शानदार प्रदर्शन लक्खां बद्धे लोकें गी प्रेरित करदा रौहंगा।



Consumers Affairs

केंद्री उपभोक्ता मामलें, खाद्य ते सार्वजनिक बंड मंत्री प्रहलाद जोशी होरें अज्ज त्रिपुरा दे सिपाहीजाला जिले दे चारिलाम ग्रां दा दौरा लाया जित्थे उनें करसानें लेई त्रिपुरा परती-परती इस्तेमाल होने आहली उर्जा परियोजना दा जायजा लैता। खेत्तर च मंत्रालय दी गतिविधियें दी समीक्षा दौरान मंत्री होरें आखेआ जे पीएम कुसुम योजना तैहत 54 एकड़ धरती गी कवर करने आहले 27 एस.पी.वी पम्प ते एम.एन.आर.आई योजना तैहत 35 एलईडी आधारित पीएसवी स्ट्रीट लाइट सिस्टम स्थापित कीते गेन। उनें त्रिपुरा च पी.एम गरीब कल्याण अन्न योजना, पी.एम कुसुम ते पी.एम सूर्य घर मुफ्त बिजली योजना जनेई प्रमुख केंद्री योजनाएं दे प्रदर्शन ते लागू होने ताई समीक्षा लेई मुखमंत्री डॉ. माणिक साहा ते होरनें अफसरें कन्नै बैठक कीती।

<><><><><><>

Weather

भारतीय मौसम विभाग नै अगले दऊं-त्रऊं दिनें दौरान पंजाब, हरियाणा ते राजस्थान च घने कोहरे छाए दे रौहने दी मेद बुज्झी ऐ। विभाग नै आखेआ ऐ जे पच्छमी खोदल करी अगले 2 दिनें दौरान उत्तर पच्छिम भारत च घट्टोघट्ट तापमान च 3 शा 5 डिग्री सैल्यिस दी गिरावट औने दी मेद ऐ। पिछले 24 घंटे च जम्मू-कश्मीर ते लद्दाख दे कई हिस्सें च घट्टोघट्ट तापमान सिफर डिग्री सैल्यिस शा खल्ल ते उत्तर पच्छिम, मध्य ते पूर्वी भारत च कोई 10 शा 15 डिग्री सैल्यिस रेआ।

<><><><><><>

Manmohan Ashes

साबका प्रधानमंत्री डाक्टर मनमोहन सिंह हुंदी अस्थिएं गी अज्ज मजनू का टीला गुरुद्वारे कश यमुना नदी च विसर्जित करी दित्ता गेआ। डाक्टर मनमोहन सिंह हुंदे परोआर दे सदस्ये अज्ज बड्डुलै निगमबोध घाट थमां उंदी अस्थियां किट्टी कीतीआं ते मगरा जमुना नदी च उनें'गी विसर्जित करी दित्ता। डाक्टर मनमोहन सिंह हुंदी धर्मपत्नी गुरशरण कोर ते उंदिआं त्रौनें धीआं उपिंदर सिंह, दमन सिंह ते अमृत सिंह हुंदे सने होर दुए रिश्तेदार बी अस्थी विसर्जन दे बेल्ले उत्थे मजूद हे। सिक्ख परंपरा दे तैहत हून डाक्टर मनमोहन सिंह हुंदे परोआर आसेआ पैहली जनवरी गी 3, मोतीलाल नेहरू मार्ग पर स्थित उंदे सरकारी निवास पर अखंड

पाठ दा आयोजन कीता जाहग। एह्दे परैन्त औंदी 3 जनवरी गी संसद परिसर दे नेडे स्थित रकाब गंज गुरुद्वारे च भोग, अंतिम अरदास ते कीर्तन दा आयोजन बी कीता जाना ऐ। डाक्टर मनमोहन सिंह हुंदा काल 26 दिसम्बर गी दिल्ली दे एम्स अस्पताल च होआ हा।

<><><><><><>

Russia

रूसी विदेश मंत्री Serge Lavrov होरें अमरीकी मिसाइल खतरें लेई फैसलाकुन प्रतिक्रिया दी चेतावनी दिती ऐ। उनें आखेआ जेकर अमरीका ते उतरी अटलांटिक संधि संगठन (नाटो) नमें मिसाइल धमकियां दिंदे न ते उनें रूस दी तरफा फौज तकनीकी जवाबी कार्रवाई सने फैसलाकुन प्रतिक्रिया केंद्र दा सामना करना पौग। सरकारी मीडिया एजेंसी आर.आई.ए नोवोस्ती कन्नै इक इंटरव्यू च लावरोव होरें आखेआ जे रूस कुसै बी हालात लेई तैयार ऐ। उनें आखेआ जे रूस दे बरोधियें गी फौज तकनीकी जवाबी कार्रवाई दे रूप च प्रतिक्रिया दा सामना करना पौग।

<><><><><><>

Visa

अमरीका च नमें चुनोए दे राष्ट्रपति डोनाल्ड ट्रम्प होरें एच.आई.बी वीजा कार्यक्रम दा समर्थन कीता ऐ। इस वीजा राहें मते कुशल विदेशी कम्मगार अमरीका च आई सकदे ना। इक समाचार पत्रिका गी दित्ते गेदे इंटरव्यू च श्री ट्रम्प होरें आखेआ जे विशेषज्ञता आहली नौकरियें लेई अमरीका औने आहले ज्हारें

विदेशी कम्मगारें गी एच.आई.बी वीजा देने दा समर्थन करदे हे। अपने पैहले कार्यकाल च श्री ट्रम्प होरें विदेशी कम्मगारें गी वीजा देने गी सीमित करदे होए इस कार्यक्रम दी आलोचना कीती ही। मगरा इस बारे दे चुनां प्रचार अभियान च श्री ट्रम्प होरें विदेश च जन्मे दे नेह कम्मगारें गी कनूनी दर्जा देने दा संकेत दित्ता हा जिनें अमरीका दे कुसै विश्वविद्यालय थमां स्नातक मतेहान पास कीता ऐ।

<><><><><><>